

Fréttatilkynning

Ársreikningar Vopnafjarðarhrepps A- og B- hluta sjóða fyrir árið 2013 voru lagðir fram til síðari umræðu á fundi hreppsnefndar 3. apríl 2014. Alls samanstanda reikningarnir af 12 sjóðum, sem skiptast í 3 A- hluta sjóði og 9 B- hluta sjóði.

Heildartekjur samstæðunnar allrar voru 830,9 m. kr., en heildarútgjöld hennar þegar tekið hefur verið tillit til afskrifta að fjárhæð 50,2 m. kr., voru 698,6 m.kr. Rekstrarniðurstaða fyrir fjármagnsliði var því jákvæð í samstæðunni um 132,3 m.kr. Þegar aftur á móti tekið hefur verið tillit til niðurstöðu fjármunagjalda, að fjárhæð 18,3 m.kr. í gjöld umfram tekjur kemur í ljós að samstæðan öll var rekin með 114.062 m. kr. hagnaði árið 2013.

Hinn hefðbundni rekstur sveitarfélagsins, þ.e. laun og rekstrargjöld, hækkar um liðlega 27,1 % eða úr 509,9 m. kr. 2012 í 648,3 m.kr. árið 2013. Þessi mikla hækkun skýrist fyrst og fremst af því að sveitarfélagið tók á árinu við rekstri legudeildarinnar að Sundabúð af ríkinu. Kostnaður vegna þess er 125,5 m.kr. þ. a. þegar hann hefur verið dreginn frá hækka almenn rekstrargjöld um 2,5 %. Heildargjöld að teknu tilliti til afskrifta og fjármagnsgjalda/tekna hækka um 20,2 % eða úr 596,3 m.kr. 2012 í 716,8 m.kr. árið 2013. Sé rekstrarkostnaður vegna Sundabúðar, legudeildar dregin frá eru heildargjöld ársins 2013 591,3 m.kr., sem er lækkun um tæplega 1 %.

Í samstæðunni í heild voru greidd niður lán að fjárhæð 50,2 m. kr. á árinu. Í nýjum sveitarstjórnarlögum, sem tóku gildi 1. janúar 2012 er lögð sú lína að hlutfall heildarskulda af tekjum megi ekki fara yfir 150 % og er sveitarfélögum gefinn 10 ára aðlögunartími til þess að ná því marki. Í ársreikningi 2013 er þetta skuldahlutfall 79,5 %. Annað viðmið sem sett hefur verið fram í reglugerð nr. 502/2012 er svokallað skuldaviðmið, sem er 75,6 % í ársreikningi 2013.

Vopnafjarðarhreppur er því vel undir þeim viðmiðum, sem sett eru fram í umgetinni reglugerð hvort heldur horft er til skuldahlutfalls eða skuldaviðmiðs eins og þau eru skilgreind.

Engin ný lán voru tekin á árinu 2013 á móti afborgunum lána. Skuldir og skuldbindingar lækka í heild úr 674,9 m. kr. í 660,6 m.kr. eða um 14,3 m. kr.

Í sjóðstreymi samstæðunnar kemur fram að þegar leiðrétt hefur verið fyrir afskriftum, verðbótum -og gengismun, og skuldbindingum er veltufé frá rekstri jákvætt um 183,3 m.kr. og þegar tekið hefur verið til viðbótar tillit til breytinga á rekstrartengdum eignum og skuldum þá er handbært fé frá rekstri jákvætt um 193,4 m.kr., sem er 23,3 % af heildartekjum.

Þetta fjármagn gengur síðan til greiðslu á fjárfestingum sem reyndust vera 175,7 m. kr. og afborgunum lána og öðrum fjármögnunarhreyfingum að fjárhæð 57,3 m. kr.


Að öllu þessu töldu kemur fram að handbært fé lækkar um 39,5 m. kr. og er í árslok 80,5 m.kr. en var í upphafi ársins 120 m. kr.

Vopnafirði 3. apríl 2014

Þorsteinn Steinsson

Sveitarstjóri

Vopnafirði



Vopnafjarðarhreppur-Ársuppgjör 2013

Ársreikningur Vopnafjarðarhrepps fyrir árið 2013 var lagður fram til síðari umræðu í hreppsnefnd Vopnafjarðarhrepps fimmtudaginn 3. apríl 2014. Samkvæmt sveitarstjórnarlögum skal fjalla um ársreikninginn á tveimur fundum í sveitarstjórn, fyrri umræða var um ársreikninginn var á hreppsnefndarfundi fimmtudaginn 20. mars sl.

Ársreikningur Vopnafjarðarhrepps árið 2013 hefur að geyma ársreikning fyrir þær rekstrareiningar sem falla undir A hluta starfsemi sveitarfélagsins og samantekinn ársreikning fyrir alla starfsemi þess, þ.e. A og B hluta, sbr. 60. gr. sveitarstjórnarlaga, nr. 138/2011.

Til A- hluta telst starfsemi sem að hluta eða öllu leyti er fjármögnuð með skatttekjum. Hér er um að ræða Aðalsjóð, en auk hans Eignasjóð og Þjónustumiðstöð. Til B- hluta teljast fjárhagslega sjálfstæð fyrirtæki sem að hálfu eða meirihluta eru í eigu sveitarfélagsins, en rekstur þessara fyrirtækja er fjármagnaður með þjónustutekjum. Fyrirtæki sem falla undir B- hluta starfsemi sveitarfélagsins eru Hafnarsjóður, Vatsnveita, Fráveita, Félagslegar íbúðir, Legudeildin Sundabúð, Lyfsala, Skiphólmi ehf. og Arnarvatn ehf.

Ársreikningurinn er gerður samkvæmt kostnaðarverðsreglu og í samræmi við sveitarstjórnarlög, lög um ársreikninga nr. 3/2006, reglugerð um bókhald og ársreikninga sveitarfélaga nr. 944/2000 og auglýsingar ráðuneytis sveitarstjórnarmála um reikningsskil sveitarfélaga. Ársreikningurinn byggir í meginatriðum á sömu reikningsskilaaðferðum og árið áður.

Helstu niðurstöður ársreiknings 2013 eru eftirfarandi:

Vopnafjarðarhreppur, ársuppgjör 2013

Rekstrarreikningur ársins 2012:	Sjóðir í A-hluta		Samantekið A- og B-hluti	
	2.013 þús. Kr.	2.012 þús. Kr.	2.013	2.012
Tekjur:				
Skatttekjur	304.884	288.035	302.485	285.797
Framlafg Jöfnunarsjóðs	148.592	123.344	148.592	123.344
Aðrar tekjur	91.681	78.828	379.856	259.787
Samtals tekjur	545.157	490.207	830.933	668.928
Gjöld:				
Laun og launatengd gjöld	289.308	261.457	405.940	278.378
Annar rekstrarkostnaður	196.844	188.640	242.326	231.522
Samtals gjöld	486.152	450.097	648.266	509.900
Rekstrarniðurstaða (EBITDA)	59.005	40.110	182.667	159.028
Afskriftir	- 29.663	- 26.796	- 50.263	- 46.227
	2.013	2.012	2.013	2.012
Rekstrarniðurstaða fyrir fjármagnsliði	29.342	13.314	132.404	112.801
Fjármunatekjur og fjármagnsgjöld	11.624	- 2.706	- 18.342	- 40.280
Framlög til B-hluta	-			
Rekstrarniðurstaða	40.966	10.608	114.062	72.521
Efnahagsreikningur:				
	Sjóðir í A-hluta		Samantekið A- og B-hluti	
	31.12.2013	31.12.2012	31.12.2013	31.12.2012
Fastafjármunir	954.769	781.718	1.208.346	1.073.773
Veltufjármunir	186.703	246.842	175.170	200.909
Eignir samtals	1.141.472	1.028.560	1.383.516	1.274.682

	31.12.2013	31.12.2012	31.12.2012	31.12.2012
Eigið fé	597.789	547.692	722.916	599.722
Lífeyrisskuldbinding	54.513	52.076	54.513	52.076
Aðrar skuldbindingar	5.152	12.189	5.152	12.189
Langtímaskuldir	116.788	132.346	449.650	483.848
Skammtímaskuldir	367.230	284.256	151.284	126.846
Skuldir og skuldbindingar samtals	543.683	480.867	660.599	674.959
Eigið fé og skuldir samtals	1.141.472	1.028.559	1.383.515	1.274.681

Sjóðstreymi:	Sjóðir í A-hluta		Samantekið A- og B-hluti	
	2013	2012	2013	2012
Veltufé frá rekstri	76.351	48.531	183.322	149.626
Handbært fé frá rekstri	92.068	15.463	193.456	113.438
Fjárfestingahreyfingar	- 193.298	- 25.717	- 175.703	- 103.717
Fjármögnunarahreyfingar	61.730	25.145	57.253	45.803
Hækkun(lækkun) handbærs fjár	- 39.500	- 35.399	- 39.500	- 36.082
Handbært fé í upphafi árs	119.536	154.935	120.041	156.123
Handbært fé í lok árs	80.036	119.536	80.541	120.041

Handwritten signature or initials in blue ink.